

孟子文法讀本

(全一冊)

潘重規署



孟子文法讀本

潘重規署



一九七九年十二月再版

# 孟子文法讀本

高步瀛撰

出版者 香港中文大學新亞書院中文系  
發行者 香港寰球文化服務社

香港興隆街五號三樓  
電話四四七八四三  
九龍通榮街六十五號三樓  
電話八五二八二一

承印者 美泰印刷公司

香港高士打道一一〇號

(全一冊)

定價：港幣拾式元正

霸縣高步瀛先生撰孟子集解，採輯漢魏以來，下迄清儒注釋，博徵約取，簡要明允。凡所引書，皆注明篇卷，體例謹嚴。又取吳閩生先生評語，綴於書端，號曰孟子文法讀本，誦習者莫不稱善。惟流傳未廣，極爲罕見。茲覓得原刻初印本攝影行世，以使學者。

# 孟子序略

史記孟子荀卿列傳曰孟軻騶人也受業子思之門人

吳摯甫先生曰漢人皆謂孟子親受業子思蓋皆本史記爲說王劭衍人字是道旣通游事齊

宣王宣王不能用適梁梁惠王不果所言則見以爲迂

遠而闊於事情當是之時秦用商君富國強兵楚魏用

吳起戰勝弱敵齊威王宣王用孫子田忌之徒而諸侯

東面朝齊天下方務於合從連衡以攻伐爲賢而孟軻

乃述唐虞三代之德是以所如者不合退而與萬章之

徒序詩書述仲尼之意作孟子七篇

錄節

趙岐孟子題辭曰孟子鄒人也名軻字則未聞也

王應麟困

學紀聞曰孟子字未聞孔叢子云子車注一作子居亦稱字子與疑皆附會原注曰聖證論云子思書孔叢子

有孟子居傳子云孟子與今案顏師古漢藝文志注引聖證論作子車文選劉孝標辨命論李善注引傳子作

子與姓纂又曰字子展皆王鄒本春秋邾子之國至孟子所謂附會之詞不足信也

子時改曰鄒矣國近魯後爲魯所并又言邾爲楚所并

非魯也今鄒縣是也或曰孟子魯公族孟孫之後故孟

子仕於齊喪母而歸葬於魯也三桓子孫旣以衰微分

適他國閭若疎孟子生卒年月考曰孟子蓋魯公族孟孫之後不知何時分適鄒遂爲鄒人猶歸葬於

魯者太公子孫反葬周之義也然考今孟母墓碑墓在鄒縣北二十里馬鞍山陽又非魯地疑古爲魯地猶魯

邾邑今亦在鄒縣界內二國密邾左傳魯擊柝聞于邾是也孟子生有淑質夙喪其

父幼被慈母三遷之教長師孔子之孫子思治儒術之

道通五經尤長於詩書周衰之末戰國縱橫用兵爭強

以相侵奪當世取士務先權謀以爲上賢先王大道陵

遲墮廢異端並起若楊朱墨翟放蕩之言以干時惑衆者非一孟子閔悼堯舜湯文周孔之業將遂湮微正塗墮底仁義荒怠佞僞馳騁紅紫亂朱於是則慕仲尼周流憂世遂以儒道遊於諸侯思濟斯民然由不肯枉尺直尋時君咸謂之迂闊於事終莫能聽納其說於是退而論集所與高第弟子公孫丑萬章之徒難疑答問又自撰其法度之言著書七篇

節錄

先師吳摯甫先生答張星階書曰承示施彥士讀孟質疑謹以愚見平議誤謬記其眉奉納執事伏維照察孟子游仕始末載籍無可考惟太史公書稱其先遊齊後適梁而六國表魏惠王三十五年大書孟子來此與孔

子相魯皆特筆史公所謹記者是年齊宣王八年周顯王三十三年既一年惠王卒子襄王立又十一年而齊宣王卒子湣王立又六年宋君偃爲王是年魏襄王卒子哀王立又四年當周赧王元年魯平公始立而燕噲亂死又二年秦楚構兵秦敗楚將屈匄此諸國事皆與孟子相涉者自魏惠王三十五年至是凡二十四年當孟子初至梁梁惠王謂之曰叟度其年當長於惠王惠王以魏文侯二十五年生生三十而卽位卽位三十五年六十五矣孟子又長於惠王其游梁殆且七十也又閱二十四年及見秦楚兵事世以此謂孟子年至高自梁惠王未生時文侯之十八年受經子夏是年爲魯



繆公元年繆公時而子思仕魯孟子長於惠王而子思  
宜少於子夏漢儒者謂孟子親受業子思度其年故相  
及也孟子始逮事子思而終見秦楚構兵之事其前後  
略可考見者如此當太史公時周譜蓋尙在太史公因  
秦記采世本著所聞爲表其年系決無誤至魏晉閒所  
傳世本奪亂失魏哀王一代於是汲冢紀年出又以魏  
襄王在位之十六年歸之惠王爲後改元而司馬溫公  
作通鑑乃舍史記而從之其取舍已不詳矣及紀齊年  
則又并無依據奪湣益威以伐燕歸之宣以求合於孟  
子於是齊梁二國年系并失而孟子事始末益淆亂不  
可明而閻百詩江慎修以來諸說紛紛并起誤由弃傳

習之明據奮不根之怪論懸改千載上列國之世紀故也如施彥士等殆猶未足比數以近世矜創獲背前載往往曹不審是以非貽誤後生故不可不辨伏惟亮鑒不具 又孟子考證 史記年表魏惠王三十五年孟

子來是歲周顯王三十三年齊宣王七年 惠王三十

六年卒 魏世家云襄王元年與諸侯會徐州相王也

追尊父惠王爲王

以上梁惠王首章

商君傳云魏惠王兵數

破於齊秦國內空日以削恐乃使割河西之地獻於秦以和而魏遂去安邑徙都大梁 史記年表魏惠王三

十年齊虜我太子申殺將軍龐涓齊宣王二年敗魏馬

陵田忌田嬰田盼將孫子爲師 魏惠王三十一年秦

商君伐我虜公子卬

以上晉國章

燕世家將軍市被圍公

宮攻子之不克反攻太子市被死以徇因構難數月死者數萬衆人恫恐百姓離志孟軻謂齊王曰今伐燕此文武之時不可失也王因令章子將五都之兵以因北地之衆以伐燕士卒不戰城門不閉燕君噲死齊大勝燕子之亡二年而燕人共立太子平是爲燕昭王 年表齊宣王十九年卒子湣王立燕噲元年當湣王四年燕君噲五年君讓其臣子之國願爲臣七年君噲及太子相子之皆死是歲周赧王元年齊湣王十年 燕世家燕易王初立齊宣王因喪伐我取十城蘇秦說齊使復歸燕十城黃氏日鈔以此篇宣王伐齊卽其事某

案反旄倪止重器謀燕衆置君自是子之之亂非易王時僅取十城事也據年表燕噲元年當齊湣王四年燕世家云燕噲既立齊人殺蘇秦蘇秦死而齊宣王復用蘇代此宣王亦當爲湣王傳寫誤耳國策錄史記此文因以爲宣王而說者乃據此以證孟子伐燕之爲宣王不知今所傳之國策乃後人取史記足成之不足據以議史記也

以上伐燕章

史記年表湣王三年封田嬰於薛

孟嘗君傳同此築薛當在未封田嬰時趙注齊人并得薛築其城以逼於滕是也春秋釋例云薛小國無記世不可知亦不知爲誰所滅據趙此注則薛爲齊滅矣

呂覽言貌辨爲靖郭君說宣王云受薛於先王

步瀛案見知士

篇戰國策錄之或據以議史記湣王封嬰爲誤不知嬰

爲威王少子相齊十年在宣王世史文甚詳若威王時已封薛史公不應誤以爲湣王封也呂覽宣王或是湣王之誤不足爲據若如其說則齊人築薛乃田嬰田文自築封邑滕何恐乎春秋釋例云春秋後六世而齊

滅滕漢地理志沛郡公邱故滕國周懿王子錯叔繡

所封三十一世爲齊所滅

以上築薛章

史記年表魯平公

元年當周赧王元年卽齊破燕殺子噲之歲也距梁惠

王三十五年孟子至梁時二十二年

以上魯平公章

史記年

表燕王噲五年君讓其臣子之國願爲臣七年君噲及

太子相子之皆死九年燕人共立太子平

以上公孫丑沈同章

趙注古紀世本滕國有考公麋與文公之父定公相直  
子元公宏與文公相直以後世避諱改考公爲定公以  
元公行文德故謂之文公也 禮檀弓篇邾婁考公注

考或爲定

以上滕定公  
薨滕文公章

史記宋世家云剔成四十一

年弟偃攻襲剔成剔成敗犇齊偃自立爲宋君君偃十  
一年自立爲王東敗齊取五城南敗楚取地三百里西  
敗魏軍乃與齊魏爲敵國諸侯皆曰桀宋王偃立四十  
七年齊湣王與魏楚伐宋殺王偃遂滅宋而三分其地  
年表宋君偃元年當齊宣王十五年楚懷王元年魏襄  
王七年周顯王之四十一年也其自立爲王當齊湣王  
六年魏哀王元年鮑彪言孟子所稱皆剔成後篇稱宋

王則當在君偃稱王之後矣

以上宋小國章

楚世家懷王十

六年絕和於秦發兵西攻秦秦亦發兵擊之十七年春與秦戰丹陽秦大敗我軍斬甲士八萬虜我大將軍屈匄裨將軍逢侯丑等七十餘人遂取漢中之郡楚懷王大怒乃悉國兵復襲秦戰於藍田大敗楚軍韓魏聞楚之困乃南襲楚至於鄧楚聞乃引兵歸六國表是歲

秦惠文君後十三年齊湣王十二年魯平公三年周赧王三年其前楚懷王十一年山東六國共攻秦楚懷王爲從長至函谷關秦出兵擊六國六國兵皆引而歸齊獨後又前則楚宣王三十年秦封衛鞅於商南侵楚是年宣王卒子威王立秦孝公二十二年魏惠王三十一



年齊宣王三年秦伐魏虜公子卬之歲也此構兵當是

楚懷王十六年事

以上告子宋經章

魏世家惠王十七年圍

趙邯鄲十八年拔邯鄲趙請救於齊齊使田忌孫臏救  
趙敗魏桂陵三十年魏伐趙趙告急齊齊宣王用孫子  
計救趙擊魏魏遂大興師使龐涓將而令太子申爲上  
將軍與齊人戰敗於馬陵齊虜魏太子申殺將軍涓軍  
遂大破田完世家魏伐趙趙與韓親共擊魏趙不利

韓請救於齊

以上盡心不仁章

謹案史公作孔子世家於生卒出處載之特詳而孟  
子列傳獨略於是後儒聚訟紛如各以臆斷論其年  
則有定王安王烈王之爭論其地則有爲鄒爲魯之



爭遊仕則有先齊先梁之爭伐燕則有爲宣爲湣之  
爭皆其訟辨之大者史公親見周記取博而擇精趙  
邠卿之學雖遠不逮史公而複壁中注孟數年用力  
獨勤二子所不能詳者後儒必欲詳之其著明者乃  
務反之以爲快不其謬歟國策之誤本汲冢之僞書  
據以改史猶且不可何況闕里三遷等志憑虛臆造  
之紛紛者乎今節錄史公孟子列傳及邠卿題詞以  
存厓略 吳先生攷證孟子事蹟一以史公爲據足  
正閻百詩任鈞臺周耕崖曹寅谷狄叔穎諸家踳駁  
之說故敬錄如右使學者知所折衷云中華民國二  
年一月霸縣高步瀛謹識